

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

**Exordium**

[urn:nbn:de:bsz:31-126133](#)

cit, sed infirmitatem eorum patienter tolerat. Similiter enim adhuc hodie affectus est erga te, me, & omnes peccatores: calamum quassatum non conteret, & linum fumigans non extingueret, Isa. 42. v. 3. Sed si benedictus Domini ceciderit, non projectetur, quia Dominus sustentat manum suam, Psal. 37. v. 24.

Vis infertur huic textui quando Pontifex hinc potestatem utriusque gladii, & spiritualis & politici sibi adstruere satagit. Neque enim Christus Apostolos gladiis corporalibus se munire jubet, sed hoc ipso indicat ipsis futurum periculum, quod proxime instet, ubi tacite ipsis spirituali

armaturam commendat, quibus & nos hodie omnes & singuli indigemus. Vita enim nostra perpetua militia est, Job. 7. vers. 1. Atqui nemo coronatur, nisi legitime certaverit, 2. Tim. 2. vers. 5. ideo ferendum & certandum, si coronam vitæ, Apoc. 3. vers. 13. coronam iustitiae, 2. Tim. 4. vers. 8. immarcessibilem gloriae coronam aliquando reportare velimus, 1. Petr. 5. v. 4.

Quam nobis omnibus tempore suo latiri dignetur ex gratia, Deus celestis Pater, per Jesum Christum, in Spiritu sancto, Deus laudandus nunc & in secula, Amen!

## DOMINICA OCULI.

Textus.

*Ex Historia Passionis Jesu Christi.*

### EXORDIUM.

**H**odierna Dominica dicitur Dominica Oculi, quia olim in Ecclesia Latina in introitu canticum erunt ex Psal. 25. Oculi mei semper ad Dominum. Hoc ipso Majores nostri respexerunt, ad hodiernum Evangelium, in quo de obfesso agitur, cui Diabolus linguam ligaverat, ut non potuerit loqui, aures, ut non potuerit audire, oculos, ut nequierit videre. Verum Servator Christus miserum hunc homuncionem respicit, & Daemonem ab eo expellit, ut ex tempore

restituatur & sanetur, sicut pluribus S. Lucas describit, cap. 11. v. 14. - 28. Ideo recte dicitur Oculi, sive aperi oculos, ut consideres

I. Triplicem Querelam, quæ nobis in Evangelio proponitur, ubi spectes

I. *Obfessi spectaculum*, quod indicat nobis Satanæ truculentiam & tyrannidem, quam adhuc hodie exercet, si ipsi Deus id permittrat. Ideo vocatur Abaddon, Apoc. 9. v. 11. O quot occœcat, ut non fulgeat eis illuminatio Evangelii gloriae Christi, qui est

*est imago Dei, 2. Cor. 4. v. 4. Quot surdos efficit, ut verbum Dei audire nolint, velut Iudei, Jer. 6. v. 10. Quot reddit mutos, ut justitiam non loquantur, Psal. 58. v. 2. sed stultiloquium & scurilitatem, quæ non decent Christianos, Eph. 5. v. 4. si eò rem deducit, plenam potestatem habet, tandemque præcipitat in stagnum, ardente sulphure & igne, quæ mors est secunda, Apoc. 21. v. 8.*

*2. Recidivæ periculum. Non enim otiosus est Diabolus, sed nocte & die circumvit, querens, quem devoret, 1. Petr. 5. v. 8. ideo non securi simus, si semel resipuerimus è laqueis ejus, 2. Tim. 2. v. ult. & remissiōnem peccatorum consecuti fuerimus: sed qui stat, videat, ne cadat, 1. Cor. 10. v. 12. & salutem cum timore & tremore operetur, Phil. 2. v. 12.*

*3. Consequens dispendium. Quando enim homo in pristina peccata relabitur, hoc ipso Satanae ansam ministrat, ut assūmtis septem nequioribus spiritibus se ipso, in vetus hospitium letabundus revertatur. Unde etiam ejusmodi homo difficillime ad frugem adduci potest: sed discit malum, ut non possit bene facere, Ier. 13. v. 24, transit de iniuitate ad iniuitatem, Rom. 6. v. 19. dum mensura implēta, thesaurizat sibi iram Dei, in die iræ, & revelationis justi judicii Dei, Rom. 2. v. 5.*

## II. Triplicem Medelam, quæ fluit

*1. Ex Christi miraculo. Hoc ipso enim luculenter probavit, se promissum esse mundi Messiam, de quo prædictum, quod contritus caput serpentis, Gen. 3. v. 15. giganti prædam erupturus, Esa. 49. v. 24. & insanguine testamenti sui emissurus sit*

*vincitos suos de puto, in quo non est aqua, Zach. 9. v. II.*

*2. Ex Dei digito, quo Dominus Diabolum expulit, & miraculum suum patravit, sicut expresse ait in hodierno Evangelio, se per digitum Dei Daemonia ejecisse. Quod si igitur id Deus digito perficere potest, quanto plus præstare poterit dextera sua, quæ omnia mutare valet, Psal. 77. v. II. & brachio suo, quo potentiam facit, Luc. 1. v. 51. Ideo confidamus ipsi semper. Non enim impossibile est apud illum ullum verbum, Luc. 1. v. 37.*

*3. Ex muliercula encomio, ait enim de Christo clara voce: Beatus venter, qui te portavit! Quia vero Christus responderet & ait: Beati, qui verbum Dei audiunt & custodiunt, patescit hinc, quod pius Christianus, qui verbum Dei veneratur, & ad illud vitam suam componit, & que beatus sit, ac Maria, Domini Mater, quæ Dominum in utero portavit, & uberibus suis nutritivit. Non enim propterea beata est facta, sed quia credidit, Luc. 1. v. 45.*

## III. Triplicem Cautelam, tribus Regulis inclusam, quarum

*1. Diabolo resistere. Hoc fiat per fidem, 1. Petr. 5. v. 9. Diabolus enim est Spiritus impudens, qui identidem corda pulsat, ubi vero cor fide munitum & oppessulatum est, ibi quidem quietem querit, sed non invenit, & re infecta discedat oportet. Hinc Jacobus: Resistite Diabolo, & fugiet a vobis, Jac. 4. v. 7.*

*2. Concordiam fore. Id Christus mandat, inquiens: Omne Regnum in seipsum divisum, desolabitur: & domus supra dominum cadit. Concordia enim res parvae crescunt, discordia magnæ dilabuntur. Id-*

eo deponamus omnem dolum, & simulationes, & invidias, i. Petr. 2. v. 1. contra vero solliciti simus servare unitatem Spiritus, in vinculo pacis, Eph. 4. v. 3. Psal. 133. verf. 2.

3. Blasphemias fuge. Nefandam blasphemiam commiserunt illi, qui dixerunt, Christum in Beelzebub Princepe Dæmoniorum ejicere Dæmonia. Fugiat id quilibet cui anima salus curæ est. Levit. 24. v. 11. iusfit Deus blasphemum lapidibus obruere. Non enim insontem habebit Dominus eum, qui assumserit nomen Domini in vanum, Exod. 20. v. 7.

Compendiosa iterum hodierni Evangelii Idea hæc est. Nunc absque ulteriori præambulo ad Passionis Dominicæ Declarationem accedamus. Partes sunt duæ :

- I. Horti ingressus.
- II. Iuda accessus.

J. J.

### Exegesis.

**V**eniat Dilectus meus in hortum suum, ut comedat fructum pretiosum suum: ita invitat sponsa spiritualis sponsum suum cœlestem, cui ipse respondet: Venio in hortum meum, soror mea sponsa, messui Myrrham meam cum aromatibus meis, Cant. 5. v. 1.

Hæc verba allegorica sunt, & quamvis per hortum hunc Ecclesia Judaica potissimum intelligatur, in quam Filius Dei venit, cum naturam humanam assumit: attamen hortus Oliveti non excludendus est, in quo amaras Myrrhas adeo copiose messuit, sicut tempore messis frumentum metere solemus, ut sudorem sanguineum, præ ami-

mæ dolore emiserit, & Angelo de cœlo ipsum confortare opus fuerit, ut prælecta Historia testatur.

In primahac parte notandum est

1. **Tempus.** Accedit id, postquam agnum Paschalem cum discipulis suis Dominus comedisset, & hoc ipso Leviticis V. T. Ceremoniis finem imposuerit, loco autem ejus lacram Cœnam instituerit, quod Evangelista indicat hisce verbis: Et hymno dicto. Judæi enim peculiarem hymnum habebant, ex g. Psalmis concinnatum, nempe à IIII. usque ad 119. quem Alleluja Magnum vocabant, & quando agnum Paschalem comederant, finiebant cœnam illam hymno hoc: id quod & Servator noster cum discipulis suis observare voluit, ad instructionem nostram, ut & nos Deum cœli & terræ, pro omnibus beneficiis ejus, quibus nos copiose & indies cumulat, ex animo laudemus & celebremus. Psal. 50. v. 14. 23. Eph. 5. v. 18.

Imprimis, quando comedimus, & satiati sumus, gratiarum actionem omittere minus debemus, ut Deus ipse præcipit, Deut. 8. v. 10. Omnia enim per preces sanctificantur, i. Tim. 4. v. 5.

2. **Locus, & quidem**

1. **Aquo.** Qui erat Hierosolyma, & cœnaculum in quo cum dilectis suis discipulis agnum Paschalem comederat. Ita discimus hinc, quod quidem salva conscientia convivia adire, & cum probis conversari hilariter possimus, sed & in tempore desinendum est. Tempestive à convivio rede. Sir. 32. v. 15. 16. 17.

2. **Per quem.** Hic fuit torrens Cedron, ut Johannes testatur, qui nomen accepit sive ab umbrositate loci, quia utrinque in litora